

立法會 CB(2)621/04-05(01)號文件

## 新年新希望 冀求有份工

2005年1月10日

致各位立法會議員：

我地係醫管局既臨時員工，相信大家都曾經到過醫管局屬下既醫院，醫院既裝修金碧輝煌，光潔明淨，係我地前線員工努力的結果。響平日的醫院，異常繁忙，醫務人員忙到不可開交；我地呢班醫管局的臨時員工，為左支援其運作，一樣做到頭暈轉向；近年來，醫管局已經長期唔請長工，只係請臨時合約工，長則三至四年，短則兩、三個月，其中有班員工，係政府話要解決失業，將一大班人安置入醫管局，先頭都好唔習慣醫管局既工作。入到醫管局先知到，原來醫院工作極繁忙，每日都有時停，理應要請多的人先至得；但醫管局唔肯請人，要依靠政府濟貧的撥款，先至有份工俾我地。響前年沙士期間，我地一樣同其他醫護人員一樣，冒著生命危險，為市民服務，但係仍然受到不公平對待，唔肯將我地轉為長工。我地每日返工，除左要做自己病房工作外，還要經常走幾個病房，邊個病房缺人，就要到其中幫手，工作又辛苦，但係醫院都唔體諒我地，連最起碼既職位名份都唔肯俾我地，每次臨到約滿，我地就好驚，唔知份工會唔會續約，一唔同我地續約，要加入失業大軍，次次都係臨到約滿前三、幾日至同我們續約，令到我地飽食驚風散，其中我地呢班臨時工，臨臨下，已經做了幾年，何時何日才可以有餐安樂茶飯。我地最大希望，盡快將我地轉為正式長期合約員工。

醫管局臨時員工